



Gudarien etorbidea, z/g 20140 Andoain



zuzendariari@egunkaria.com



943 300 228

OHARRA: Ahalik eta iritzi gehienek izan dezaten tokia, ez da komeni makinazko 15 le-
rro baino luzeago idaztea gutun hauetan. Idatzi duenaren izena, telefonoa, helbidea
eta NAREN zenbakia agertu beharko dira. Laburtu behar izanez gero, zuzendaritzak
bere esku du horretarako eskubidea. Erdaraz iristen diren gutunak ez dira argitaratuko.



zuzendariari

Historia errepikatzeko arriskua

Alderdia (PNV) eta bere eragina za-
balduz zihoazen heinean, barneko ti-
rabirak areagotu egin ziren indepen-
dentziazale eta autonomisten arte-
an. Tirabira horiek alderdiaren
zatiketa ekarri zuten. Autonomistak
Comunión Nacionalista Vasca (CNV)
eta independentistak, Eli Gallastegi,
Juan de Egileor eta Manu de la Sola
buru zituztela, *Aberri* astekariaren
inguruan bildu ziren, hurrenez hu-
rren. 1930ean denak elkartu ziren.

Gure Euskal Herriko historiaren
pasartetxo bat baino ez bada ere, ene
ustez, oso esanguratsua da kontuan
hartzen badugu egun dugun egoera-
ren tamaina nolakoa den.

Orduan ez zegoen borroka arma-
tuaren mamurik, sasoi hartan ez ze-
goen ETA erakunde armatuari errua
leporatzerik, baina orduan, gaur
egun bezala, PNV alderdiaren bar-
ruan bazegoen sektore bat, Josu
Bergararen filosofiaren aldekoa, Eus-
kal Herriari bere ibilbide politikoan
trabak baino jartzen ez zizkiona eta
euren abertzaletasun ezkutuari
izenean, egun pairatzen ari garen ga-
tazkaren erantzulea izan zena.

Orduan ere, gaur egun moduan,
egin beharreko ibilbidearen helburu
ezak —sasoi da argi eta garbi min-
tatzeko eta alderdikide jator eta
abertzaleei PNVren helmuga non da-
goen jakinarazteko: Euskal ala Es-
painiar proiektu baten alde?— zati-
keta eragin bazuen, akats berean
erortzeko arriskuan daude.

Jorratu beharreko bidea gogorra
izango da, horretan ez dago argi izpi-
rik, bai batzuentzat, bai besteentzat,
baina aldi berean emankorra izango
da, eta guk landatutako haziak bere
fruituak emango ditu eta gure ondo-



DANIEL ARAP MOI / THE ECONOMIST

rengoek eskertuko digute eginiko
ahalegina, baldin eta euskaldunok
zenbait puntutan bat egiten baldin
badugu: Udalbiltza, Batera, Lizarra-
Garazi.... Bestela historia errepika-
tzeko arriskua izango dugu, eta gu-
reak egingo du. **Juan Luis Mugertza**
BERANGO (BIZKAIA)

Astlehena biharamun

Igandekoa epaitu gabe hasi nahi nu-
ke batzuei zein besteei gutun hau
irakurri ez dezaten aitzakiak ematea
ekidin nahian. Durangoko herrita-
rroi ekarri zizkigun ondorioetako ba-
tzuk aztertu nahi nituzke.

Igandean bertan *Ez da hain erraza*
antzezlan zegoen iragarrita iluntze-
ko 20:00etarako, eta bertan behera
utzi zuen Udalak inongo arrazoirik
azaltzen ez zuen nota labur baten bi-
dez. Astlehenean, berriz, goizeko
11:30etik 12:30era eta arrastiko
17:30etik aurrera liburutegia itxita
egon zen.

Zergatik? Lutoa? Eta lutorik gorde-
tzen al da bada obra batzuetan be-
hargin bat hiltzen den (duten?) ba-
koitzean? Edo baten bat bortxatzen

dutenean? Edo norbait jipoituta aka-
tzen dutenean? Ala hor ere ez al da
inoren errua? Argi dagoen gauza ba-
karra da eurek esaten digutela zer
den garrantzitsua eta zer ez; eta ka-
kanahaste honetan sartu nahi ez
duena ere sartzera behartzen dutela.

Liburutegia zen eraikuntza anitz
bakanetako bat, bertan denok geni-
tuela ateak zabalik iruditzen zitzaie-
dan, baina badirudi ez dela horrela.
Nork dio denontzat diren zerbitzu
publiko batzuetatik hasi eta beste
batzuk politizatuko (partidizatuko)
ez dituztenik geroan?

*Hipokresia bide hontatik / ez al go-
az nahiko oker? / Zor pasatzen de-
nean beti / horrenbeste berba «eder»,
/ ta berba egin behar denean / beti
pasatzen da zorer.*

Gauzak, balkoian piperpotoa jarri-
ta konpontzen dira, antza. **Peru**
Magdalena Arriaga • DURANGO
(BIZKAIA)

ZUZENKETA: Herenegun, Gizartea sailean,
intsumitu baten aurkako epaiketaren berri
eman genuen epaitua Kepa Ezkerra izan ze-
la esanez. Akatsa izan zen. Epaitua Nestor
Fuente zen. Barkamenak.

galdeiozu...



Mari Carmen Gallastegi

• EKONOMIALARIA •

**Etxeko lanak egiten
dituzten emakumeei (eta
gizonei) pentsiorik-edo
ordaintzeko modurik
ikusten al duzu?**

Jon Ruiz [Donostia]

■ **NIRE USTEZ**, etxeko la-
nak beste edozein jarduera
ekonomiko bezala baloratu
beharko lirarteke. Kontuan
izan behar da Barne Pro-
duktu Gordinaren ebalua-
ketetan etxeko lanen balioa
ezarri behar dela. Horrela
egingo balitz, zergatik ez
pentsioak ordaindu lan ho-
rietan aritu diren pertsonen
behin jubilazio garaira hel-
duta?

Ekainaren 13tik aurrera
Rafa Diez

• LABEKO IDAZKARI NAGUSIA

izango da Galdeiozu ataleko gonbidatua.
Bidali zure galderak ordurako.

• MONTXO •

